


گوچسری مرثیاء سرو لاہور ماک شام گوچسری ادب کے ناں


ماہنامہ
ڈیجیٹل رسالو
اسلام آباد
گوچسری
مارچ 2024



زیر اہتمام: گوجرانٹرنیشنل سیکرٹریٹ

اس شمارہ ماں

صفحہ نمبر	لکھاری	عنوان
03	شائلہ چوہدری	☆ - پہلی گل
05	مولانا قاری نذیر نعیمی	☆ - رمضان المبارک
07	رفیق شاہد	☆ - روداد مشاعرہ
11	وقار صدیقی	☆ - افسانو، جیلہ
14	اعجاز چوہدری	☆ - مضمون مولوی رشید قدیری
16	ماجد مجید	☆ - افسانچو
17	بلال زمزم	☆ - نظم
18	خادم حسین خاکی	☆ - غزل
19	وسیم چوہدری	☆ - نثری نظم
20	حقوق از احمد	☆ - نظم
21	تاج دین تاج	☆ - اڈار غزل کا
22	لعل دین شاہر	☆ - غزل
23	زمان گوری	☆ - بیت
24	ایاز احمد سیف	☆ - غزل



پہلی گل

پھلگن سیال کا کہاٹا، ٹھنڈی ہواتے بدلتا موسم کو مہینو وائے۔ بعضا بعضا جگہ بہار کی بوٹی منہ کڈن لگ پئیں۔ نیلوائی ہوتا ہی موسم گی رت بدل جئے۔ ماحول مانکھا رکھلے تے مزاج وی سوہنا ہو جئیں۔ مارچ آمد بہار کو پیا مبر ہے نوروز نو تہیاڑ وکوجشن مارچ ما منایو جئے۔ عام خیال ہے جئے یوہ تہوار آتش پرست سماج کی یاد تازی کرے و رگوجرہ سماج مانوروز ثقافتی اہمیت رکھے۔ مہارابد بڈھیر نوروز گی جھڑی ماصدقو کریں واپیں تھا جگہ گایرانی اس نا انقلاب اسلامی کو ثقافتی دن خیال کریں۔ اس دن کی عام خصوصیات صلح رحمی، دو جاں ناسوغات بھچجو، کہر بارستھر و کرنو، ایک دو جا کی دعوت کرنی، غریب غربا کی مدد ہیں۔ چنگی گل کو باہدو جسراوی وائے چنگو ہے۔ مذہب تہذیب ثقافت ایک دو جا سنگ مل کھیں۔ جئے کدے ہم مشاہد وکراں تے مہاراسماج ماچ ساری روایات ہندو سماج سنگ اکٹھی کی وجہ تیں اج وی رائج ہیں۔ رسم رواج کسے وی معاشرہ کو حسن ہیں۔ کئی ایکن کی دلیل مذہب ما کدے باندے نہیں آتی ورمذہب توں ٹکر وی نہیں لگتی جسرا جئے عید، شب رات وروکوبینیاں واسطے پیکے، ساوریتوں چوڑ بھچجو، ودے یا پتھرے کی رسم ماسرا پکا گے نال چوانا۔ مارچ کا مہینا ما کویناں کو عالمی تہیاڑ و اس یاد سنگ منایو جئے جے ان کا حقوق انہاں نادیتا جئیں گا۔ کوینی رب کی بنائی وی واہ مخلوق ہے جیری کائنات کو حسن سمجھی جئے وراپنا وجود کی جنگ لڑتی دیسے۔ گوجرہ سماج کی کوینیاں کی خوش نصیبی ہے جے ان ناکم از کم بنیادی انسانی حقوق حاصل ہیں مچ سارا مسائل ہیں جن ورمھاری نظر ہونی لوڑے جسرا جے تعلیم کو حق، پیشہ ورانہ زندگی ما مناسب اجرت، شادی بیاہ ما کلسری کی، مرضی، طلاق خلع کی صورت ماسماجی طور و رقبولیت، جائیداد ماحصو وغیرہ۔ کلسری وی اتنی توجہ کی مستحق ہے جتنی جے چٹسری ماں تے دادی۔ ہم نایجا ماحول کی لوڑ ہے جت صنفی امتیاز گا بجائے اجتماعی قدر نمائی و ہیں۔

رمضان المبارک کی آمد آمد ہے۔ اس بابرکت مہینا کو وی خاص روپ ہے۔ حافظ صاحبان اپنی منزل پکی کریں، علمی و مذہبی رجحان رکھن آلاں نے بابرکت مہینا توں پہلاں ہی اپنی تبلیغی صف سیدھی کرنی شروع کر لی ہیں۔ کہراں ما کوینی صاف صافی کی مہم تیز کی وی ہیں۔ رمضان المبارک کا دسترخوان کی تیاری واسطے ذہن سازی کرتی دیسیں۔ اس موقع ورفلسطین کا مسلمان پائیاں نا یاد رکھنو مھارو ترجیحی حق ہونو لوڑے۔ زیادہ لکھ نہیں تے کم از کم ہم ان مشکل حالات کا مسلمان بچاں ناسامنے رکھتاں اپنا کہر کا دسترخوان سادہ رکھسکاں۔ ہو سکے تے واہ بچی وی رقم کسے رہ ان گے ناویں تورسکاں۔ اللہ تعالیٰ اس مہینا کی برکتاں کے طفیل امت مسلمہ ورحم فرماوے۔ آمین

شمالکے جمیر چودھری (مارچ 2024)

ضروری اطلاع

گوجری ادب رسالہ گوجری زبان و ادب کی ترویج و اشاعت واسطے کم کرن آلاں کو اپنور سالو ہے۔ مہار و مقصد غیر مطبوعہ گوجری ادب ناباندے لیا کے اس نان محفوظ کرن کے نال نال نوں لکھن آلاں کی حوصلہ افزائی کرنو ہے۔ ہر علاقہ کا اپنا اپنا لہجہ ہیں۔ اپنا اپنا بولن کو انداز ہے طاہری گل جیہڑ و جسرح کو لہجو استعمال کر رہیو ہے اُس کے نزدیک وہ ہی لہجو اصل ہے اس نان اپنی رہت بہت تے اپنا لہجہ نال پیار ہے۔ اس واسطے ہم کسے وی لہجہ نان نہ غلط کہن کا حقدار آں تے نہ ہی اس کی نفی کر سکاں۔ گلگت مان رہن آلاں نان کے پتو پونجھی گوجری کو لہجو کیسو ہے، انھاں واسطے تے ان کو لہجو ہی اصل تے ٹھیٹھ ہے۔ لہذا گوجری ادب مان شائع ہون آلی کائے وی تحریر ہو بہو اسے طرح شائع کی جائے جسرح قلم کار ہمنان ٹورے۔ اس توں علاوہ کائے وی تحریر چاہے شاعری وے یا نثر اس کی مکمل ذمہ داری لکھاری و رعاندوے گی ادارو اس کو ہرگز ذمہ داریں ہو سے۔

گوجری ادب رسالہ واسطے شاعری، نثر، افسانہ، کہانیاں، لوک ادب، مضامین کی صورت مان اپنیاں غیر مطبوعہ تحریر ہمنان ہر مہینہ کی 20 تاریخ توں پہلاں پہلاں بھیج چھوڑیا کرو۔ کیونجے مہاری کوشش وے جے ہر مہینہ کا پہلا ہفتہ مان ہی گوجری ادب رسالہ لو تیار ہو کے تھاری بصارتاں تک پونجج جائے۔ لہذا تم گوجری مان جو گچھ وی لکھنو چاہویں بلا جھجک لکھ کے ہمنان اس پتہ ورا رسال کرو، واٹس ایپ کرو یا ای میل کرو، تھاری مرضی۔

ڈاک پتو: ہاؤس نمبر 257، گلی نمبر 23، سیکٹرای سیون اسلام آباد

واٹس ایپ: +923101878887 ای میل: gojriadabpk@gmail.com

رمضان المبارک۔۔۔ رحمتاں آلو مہینو

سورہ علق کی پہلی پنج آیتاں توں ہوؤ۔ سورہ القدر ما اس رات کی قدر تے منزلت بیان کی گئی ہے جس رات قرآن کو آغاز ہوؤ۔
رمضان المبارک کو آغاز:-

مسلماناں ور روزہ 10 شوال، 2 ہجری نافرض ہوا۔ روزو ارکان اسلام مادو جو رکن پیتے بالغ مسلمان مرد تے عورت ورفرض ہے۔ جد رمضان بالکل نیڑے آوے تے آپ ﷺ رمضان المبارک کی فضیلتاں، برکتاں، رحمتاں تے نعمتاں ور مشتمل خطبہ ارشاد فرماوین تھاتے صحابہ کرام نا رمضان شریف کی برکتاں توں پورو پور و فائدو چان کے واسطے تیا کریں تھاتے۔ رسول کریم ﷺ نے ارشاد فرمایو، رمضان صبر کو مہینو ہے تے صبر کو بدلو جنت ہے۔ یوہ ہمدردی، عنخواری تے دوزخ کی آگ توں نجات حاصل کرن کو ذریعو ہے۔ یوہ وہ مہینو ہے جس ما ایمان آلاں کی نیکیاں کے بدلے ان کو رزق بدھا دتو جائے۔

دعوت فکر کو مہینو:-

روزو ڈھال ہے جس کے باعث دنیا ما برائیاں توں محفوظ رہیو جا سکے۔ جس شخص نے ایمانی کیفیت کے نال تے اجر آخرت کی نیت نال رمضان المبارک کا روزہ رکھیا۔ اللہ تعالیٰ اس کا سارا گناہ معاف کر چھوڑے گو۔ جیہڑا اس توں پہلاں سرزد ہو یا تھا۔ اللہ تعالیٰ کو سورہ بقرہ ما ارشاد ہے۔ اے لوکو! جیہڑا ایمان لیایا ہیں تھارے ور روزہ اس طرح فرض کیا گیا ہیں، جس طرح ان لوکاں ورفرض کیا گیا تھا جیہڑا تھارے توں پہلاں تھاتاں جے تم پرہیزگار بن جاؤ۔،

حضرت داتا گنج بخش رحمہ اللہ علیہ فرمایوں روزہ کی حقیقت رکنو پیتے رکن کیں مچ ساریں شرائط ہیں۔ مثلاً معدہ نا کھان پین توں روکنو، اکھ نا شہوانی نظر توں روکنو، کن نا غیبت سنن توں، زبان نا بیہودہ تے فتنہ انگیز گلاں توں

ماہ رمضان اللہ تعالیٰ کی طرفوں اپنا بنداں واسطے مچ بڑی نعمت ہے۔ اس مہینہ کو اک اک لمحہ انمول تحفو ہے۔ اس کو آغاز رحمت ہے۔ بشکار مغفرت تے آخری عشر و دوزخ کی آگ توں نجات کو ذریعو ہے۔ رمضان المبارک ما رب کریم کی خصوصی کرم فرمائیاں کو موسم بہار وے۔ نفللاں کو ثواب فرضاں کے برابر تے فرضاں کو



مولانا قاری محمد نذیر عیسی
اسلام آباد

ثواب ستر گنا زیادہ عطا کیو جائے۔

انبیا کرام کا روزہ:-

حضرت عاد علیہ السلام ہر مہینے تیرہ، چودہ تے پندرہ روزہ رکھیں تھاتے۔ حضرت نوح علیہ السلام ہمیشہ روزہ دار رہیں تھاتے۔ حضرت داؤد علیہ السلام اک دن چھوڑ کے روزو رکھیں تھاتے۔ حضرت عیسیٰ علیہ السلام اک دن روزو رکھیں تھاتے دو دن اعتکاف وی فرمایوں تھاتے۔ ذوالحجہ کی نو تاریخ ناوی روزو رکھیں تھاتے۔ عید الفطر توں بعد ست روزہ وی رکھیں تھاتے۔

الہامی کتاباں کونزول:-

حضرت ابراہیم علیہ السلام ور رمضان کی ترے راتاں ما صحیفہ نازل ہوا۔ حضرت موسیٰ علیہ السلام ور تو ریت ماہ رمضان ما جمعہ کی راتاں ما نازل ہوئی۔ حضرت داؤد علیہ السلام ورا نجیل تیرہ رمضان المبارک نا نازل ہوئی تے حضرت محمد مصطفیٰ ﷺ ور قرآن کریم 24 رمضان نا نازل ہوؤ۔ قرآن کریم اک ہی دفعہ نازل نہیں ہوؤ بلکہ اس کونزول 23 سالوں ورمحیط ہے۔ سب توں پہلاں قرآن مجید کونزول شب قدر، ماہ رمضان ما

نیاز ہو کے اپنا خالق تے مالک نال تعلق رکھن تے اپنا گناہواں کی معافی ممکن کوناں ہے۔ اسلام ماساری عبادتاں کو مقصد اس خدائے لاشریک کی بندگی ہے جس نے اس کائنات کارنگ و بونا پیدا کیو ہے۔ رمضان المبارک کا آخری عشرہ ماہزراں کی تعداد مالوک اعتکاف بیسیں۔ رمضان کو آخری عشرہ و دوزخ کی اگ توں نجات کو عشرہ ہے۔ لیل القدر وی اسے عشرہ ما آوے۔ قرآن کریم کی ساگرہ منائی جائے۔ 27 رمضان المبارک کا عظیم الشان روحانی اجتماع وی اسے عشرہ ما منعقد کیا جائیں۔ نعت کیں محفل منعقد کی جائیں، لوک ساری رات جاگیں، رات کے پچھلے پہر یاد الہی کا چراغ روشن کریں۔ تہجد واسطے مصللاں ور کھڑاویں تے فرشتہ وی ان ور رحمت کا پھل نچھا ور کریں۔ اعتکاف روحانی کیفیات کی بلندی، ذکر و فکر کی تقویت تے خیالات کی یکسوئی سمیت کیفیات کی مشق کرن واسطے بلند درجہ کی عبادت ہے۔

لیلتہ القدر:-

قدر کا معنی عظمت تے شرف کا ہیں۔ واہ رات اس مبارک مہینہ کا آخری عشرہ کی پنج طاق راتاں ما کسے اک رات ما وے۔ یعنی (21,23,25,27,29) کسے سال کسے طاق رات ماتے کسے سال دو جی طاق رات مانی ہوتی مگر وے انہاں ہ پنج راتاں وچوں کسے اک رات ما۔ اس واسطے مختلف راتاں ما اس کو ہونو بیان کیو گیو ہے۔ لیل القدر نا متعین نہ فرمان ماوی کئی حکمت پوشیدہ ہیں تاں جے مسلمان اسے رات کی تلاش ما زیادہ نی تے کم از کم پنج طاق رات اللہ کا ذکر تے عبادت ما گزاریں۔ کدے اک رات متعین کردتی جاتی تے لوک اسے رات نا ہی جاگتا تے عبادت کرتا۔ دو جی گل یاہ جے اس رات نا مقرر کر دو جا تو تے اس نا عبادت ما گزارن آلاتے اجر عظیم کے متعلق قرار دتا جاتا جبکہ اس نا گناہواں ما گزارن آلا وی سنگین سزا ما بتلا کیا جاتا۔ کیوں جے انہاں نا شب قدر کی پہچان ہون کے باوجود اللہ کی نافرمانی ماضی کیو۔ اس واسطے رحمت کو تلقا ضویوہ ہے جے اس نا چھپا کے رکھیو جائے۔

تے جسم نا حکم الہی کی مخالفت توں روکنو روزو ہے۔ جد بندوان ساری شرطوں کی پیروی کرے گو تاں ہی وہ حقیقت ماروزہ داروے گو۔ روزہ توں جت انسان کی باطنی طہارتے روحانی صحت چنگی وے اتے اس کی جسمانی صحت تے نظام انہضام کی خرابیاں کو علاج وی اس ما موجود ہے۔ فریاد وی اک تسلیم شدہ حقیقت ہے جے کثرت خوری تے بے وقت کھانا معدہ کی بیماریاں کو باعث ہے۔ اس نال جسم کی نشوونما صحیح طریقہ نال نی ہوتی بلکہ غیر متناسب غذائے کھان کا غیر متعین اوقات کی وجہ نال لوک گورکنارے پہنچ جائیں۔ سارا سال کی ان بے قاعدگیاں ناروکن تے صحت و تندرستی کا اصولاں ور عمل کرن واسطے ضروری تھو جے انسان نا 30 روز تک پابند کیو جائے۔ وہ مقررہ وقت ور کھائے پیئے تے مقررہ وقت توں بعد کھان پین توں رک جائے۔ روزہ نال انسان عبادت کے نال نال جسمانی صحت وی حاصل کرے تے روح کی پاکیزگی تے طاقت کے نال اس کی جسمانی صحت وی بتدریج کمال حاصل کرتی جائے۔ رسول کریم ﷺ کو فرمان ہے روزہ رکھیا کرو صحت یاب ہو جائیں گا، روز و بدن کی زکوا ہے۔ یعنی جس طرح زکوادین نال مال پاک ہو جائے اسے طرح روزو رکھن نال جسم وی بیماریاں توں پاک ہو جائے۔ جسرح اسلام کی ساریں عبادت دو جا تمام مذاہب توں بہتر ہیں اسے طرح روزہ وی دنیا کا تمام اصلاحی ذرائع توں بہتر تے مفید ہیں۔ اس ما تزکیہ نفس وی ہے۔ اس کے ذریعے سال بھر تک گناہواں توں بچن کی مشق وی ہے۔ بھکھ تے تس کی شدت کو اپنی ذات ور امتحان وی ہے تے اس مادو جا کی تکلیف کو احساس وی۔ اپنا آپ نا تکلیف تے پریشانی کے وقت ثابت قدم رکھن کی مشق تے آن آلا وقت کی شاندار کامیابی واسطے جدوجہد وی ہے۔ اس مہینہ ناقمری حساب نال شروع کیو ہے تاں جے ہر موسم ما امتحان ہو تو رہے۔

اعتکاف:-

اعتکاف تلاش حق کی جستجو کوناں ہے۔ اپنا من ما ڈب کے سراغ زندگی پان کوناں ہے۔ اعتکاف کجھ دناں واسطے دنیا کی الجھناں توں بے


روداد مشاعرہ: لاہور ماک شام گوجری ادب کے ناں



بندوبست کیو گیو تھوتے چوہدري عدنان گوجرتے دو جاساتھياں نے
بھرپور استقبال کیو۔ ہوٹل ماگجھ دیر آرام کرن تے آپسی گپ شپ توں
بعد رات اٹھ بجے کھانوکھا کے مشاعرہ واسطے روانہ ہوا۔ رات نو بجے

23 فروری جمعہ آله

تھاڑے ایوان گوجر لاہور مانجمن
مرکزیه گوجراں پاکستان کے زیر
اہتمام اک شام گوجری ادب کے
ناں کا عنوان نال خوبصورت مشاعرہ
کو انعقاد کیو گیو۔ مشاعرہ کی
صدارت انجمن مرکزیه گوجراں



تحریر: رفیق شاہد



سجے توں کہجے: مجلس وجدانی، عبدالرشید چوہدري، رانا غلام سرور، رفیق شاہد، منیر زاہد، جاوید سحر، صفورہ زاہد، صفی ربانی، شاہد شوق تے حسن دین حسن اپنوکلام پیش کر رہیا ہیں

شعراء جب ایوان گوجر ٹیپو بلاک پوچھیا تے انجمن مرکزیه گوجراں کی
طرفوں پھلاں کی پتیں نچھاور کر کے بھرپور استقبال کیو گیو، صدر انجمن
مرکزیه گوجراں پاکستان نے مہمانان نال پھلاں کا گلدستہ پیش کر کے
خوش آمدید کہیو۔

ہال مداخل ہواتے عرفان اکبر ہوراں نے خوبصورت لفظاں نال شعراء نا
خوش آمدید کہیو۔ انجمن مرکزیه گوجراں پاکستان نے ابتدائی کلمات ما



پاکستان کا صدر چوہدري سلیم الہی گوجرنے کی۔ تقریب کا مہمان خصوصی
گوجری، پہاڑی، اردو تے فارسی کا عظیم شاعر شہنشاہ گوجری غزل مخلص
وجدانی تھا۔ دو جاساتھیاں شعراء کرام ما، عبدالرشید چوہدري، رانا غلام
سرور، منیر احمد زاہد، جاوید سحر، صفی ربانی، شاہد شوق، حسن دین حسن، رفیق
شاہد تے گوجری زبان تے ادب واسطے ہر سطح ور کم کرن آلی متحرک
شخصیت انور زیب گوجر شریک تھا۔ مشاعرہ مانجمن مرکزیه گوجراں کی
مرکزی قیادت سمیت گوجری زبان تے ادب نال محبت کرن آلاں کی
وی کثیر تعداد موجود تھی۔

میزبانان نے مہمانان واسطے مثالی انتظامات کیا وا تھا۔ ہم شعراء جس
ویلے لاہور کا اس بہترین ہوٹل ما پوچھیا جت مہارے واسطے رہائش کو

موجود تھے جبکہ صدر مشاعرہ تے صدر انجمن مرکزیہ گوجراں پاکستان چوہدری سلیم الہی گوجروی عام سامعین نال ہال مایٹھ کے مشاعرہ سن رہیا تھا۔ شاعراں ناگلا کی خراش توں بچان واسطے پلپٹیاں مامصری، سبز الہی تے سونف وی پیش کیا گیا تھا۔ ٹھنڈا گرم مشروبات توں لطف اندوز ہون واسطے وقفہ وقفہ نال سوپ بخنی تے کشمیری سبز چاہ وی پیش کی جا رہی تھی۔

مشاعرہ کو باقاعدہ آغاز منیر احمد زاہد نے اپنی سریلی آواز ما کلام پیش کر



گوجری زبان ادب تے گوجری مشاعرہ کی اہمیت تے غرض و غایت بیان کی اور شعراء کرام کو شکر یو ادا کیو۔ اس توں مشاعرہ کی باقاعدہ شروعات واسطے مایک منیر احمد زاہد کے سپرد کیو گیو۔ منیر احمد زاہد نے



کے کیوتے شروع ماہی مشاعرہ و رواہ کیفیت طاری ہوگئی جیہڑی کدے بشکار یا آخر ما جا کے دیکھن ما آوے تھی۔ سامعین انتہائی انہماک نال مشاعرہ سن رہیا تھا تے اک اک شعر ورداد دے رہیا تھا۔ منیر زاہد کا پیش کیا گیا کلام کا دو شعر!

دنیا چار دناں کو میلو جو آو مڑ جانو ہے
مڑ تو لکتو چل مسافر راہ ما کے دل لانو ہے
وقت کی نیلی شاخ کا یہ بڈیاں سدو نی رہن لگا
شاخ نے سکی ڈاہلی بن کے آخر ما ٹہہ جانو ہے



مشاعرہ کی نقابت سوہنا انداز ما کی تے شعراء کرام نا انتہائی عزت تے تکریم نال باری باری سٹیج والی بلا یو گیو۔


مشاعرہ کی سب توں خوبصورت گل یاہ تھی جے مشاعرہ و خالصتاً ادبی روایت



کے مطابق ترتیب دو گیو تھو۔ داخلی دروازہ توں لے سٹیج تک ناں سوہنا سوہنا پھلاں نال سجا یو وہ تھو۔ گاؤ تکیہ لا کے بڑا ہی پیارا انداز ما فرشی نشستناں کو اہتمام کیو گیو تھو۔ مگر اس کے نال نال بڈھاں سمیت جہاں لوکاں نافرشی و رچو کڑی مار کے بیسین ما دقت پیش آسکے تھی انہاں واسطے ہال کی سائینڈاں و رکرسیں وی لائی گئیں تھیں۔ سٹیج و صرف شعراء کرام



آس امید کا کچا کوٹھا جد کا غم نے ٹھایا ہیں
سر کی چادر اپر تن کے ہمیں تمبو لایا ہیں



نوجوان گوجری شاعر صافی ربانی نے خیبر پختونخواہ کی نمائندگی کرتا
خوبصورت کے پختہ شاعری پیش کر کے داد وصول کی۔ انہاں کی نعت کا
دو اشعار

نبی جی میری کل دنیا میری جند جان تم ہی ہو
میرا سر کی ہو چھاں تم ہی میرو اسمان تم ہی ہو
صافی ربانی توں بعد رفیق شاہد نے اپنو کلام پیش کیو۔

عالم ارواح توں جنت کا سفر ما تھک کے میں
لگتاں لگتاں اس جہاں ما دو گھڑی بس ساہ لیو
جاوید سحر نے عباسپور پونچھ توں آ کے مشاعرہ ما شرکت کی تے اپنا سوہنا
کلام نال سامعین کی توجہ حاصل کی۔

توں کے جانے خاب کے ہوویں خاباں کی تعبیر ہے کے
اکھاں کے سنگ اکھ لگن کو قضیو کے تعزیر ہے کے
توں پنجاب کی تت بلتی ریت ما سرتی بلتی رہے

منیر احمد زاہد کا کلام توں بعد حسن دین حسن گوجری سی حرفی کا شاعر جھان
کو تعلق حویلی پونچھ نال ہے مائیک ورتشریف لیا تے انتہائی سریلی تے
پرسوز آواز ما اپنو کلام پیش کر کے سامعین کی خصوصی توجہ تے داد حاصل
کی۔

کھان لان اج خاب خیال ہو پو خوشی سکھ کو نام نشان کوئے نی
ایسی پھسی ہے جان مصیبتاں ما کسے گل کو اور دھیان کوئے نی



شاہد شوق گوجری کا نوجوان تے سوہنا غزل گو شاعر ہیں انہاں نے اپنی
خوبصورت شاعری پیش کر کے ماحول ناچار چن لادتا۔ انہاں کی مختصر نظم نا
سامعین نے مچ ہی سراہیو۔

نانگا پر برف کو چھینٹو پے گیو ہے
خلقت لکڑی راشن کچھے دوڑ پی ہے
مناں تیری لوڑ پی ہے

اس توں بعد گوجری ثقافت کی سفیر صفورہ زاہد ہوراں نے اپنا مخصوص
انداز ما گوجری غزل پیش کی۔

انہاں کی غزل کو اک شعر پیش خدمت ہے کہ

گوجر نے معروف مورخ کے کے عزیز کی کتاب شعراء کرام نافرداً فرداً پیش کی۔

رفیق شاہد نے اپنی تالیف گوجری قاعد و سلیم الہی گوجرنا پیش کیو۔ سامعین نے شعراء کرام نال محبت کو اظہار کرتا سٹیج ورا کر تصویر بنوائیں تے اسرح کامیاب تے بہترین مشاعرہ کو اختتام ہوگیو۔

مہماناں ناں واپس ان کی رہائش گاہ ہوٹل ورنقل کیوگیو تے تھوڑی ہی



دیر بعد صدر انجمن مرکزیہ گوجراں پاکستان چوہدری سلیم الہی گوجر ہوٹل ما پونچ گیا اور شعراء کرام کو شکر یو ادا کیو۔ شعراء کرام نے گوجری زبان تے ادب واسطے انھماں کی کوششاں ناسراہوتے بہترین مشاعرہ کا انعقاد تے سوہنا انتظامات کرن ورمبارک بادپیش کی۔ کافی دیر تک گوجری زبان



کی ترویج تے اشاعت کا سلسلہ میں اقدامات کرن کا حوالہ نال مشاورت تے گفتگو کرن توں بعد صدر انجمن الوداع ہوا اور شعراء کرام سو گیا۔ صبح اٹھ کے ہوٹل ما پرتکلف ناشتو کر کے چوہدری عدنان گوجر نے شعراء نا الوداع کیو تے اسرے سارا اپنی اپنی منزل دار روانہ ہو گیا۔

تیں کد ہیری میری جنت کے جانے کشمیر ہے کے رانا غلام سرور جیہڑا جے بابائے گوجری رانا فضل حسین کا فرزند ہیں نے نقاش پاکستان، بانی تحریک پاکستان تے خالق لفظ پاکستان نا اپنی نظم ما خراج عقیدت پیش کر کے داد وصول کی۔

پاکستان کا مطلب کیا رحمت علی ہوراں تیں مچھاں لا الہ الا اللہ کا مطلب اس اپنا تیں مچھاں

درمیان مامنیر احمد زاہد نقابت کے نال نال اپنو کلام ترانہ تے گیت کی صورت مادی پیش کرتا رہیا۔

گوجری نعت گو، غزل گو تے مزاحیہ شاعر عبدالرشید چوہدری نے گوجری مزاحیہ کلام پیش کر کے مشاعرہ کو ماحول ہی بدل دو۔

گزر یو ویلو جد کہوں تھو ربا بیوی رانی دے لامبر شاخ چمبا کی ڈاہلی چن کوئے اشانی دے مہمان خصوصی شہنشاہ گوجری غزل مخلص نے گوجری زبان تے ادب ورن چنگی تے مدلل گفتگو کی، مشاعرہ کا منتظمین کی کوششاں ناسراہوتے کامیاب انعقاد ورمبارک باد کے نال بہترین میزبانی ورنشکر یو ادا کیو۔ اپنو بہترین کلام پیش کر کے سامعین کی خاص توجہ تے داد حاصل کی۔

کس نا مچھاں کون دے آہو گیو کون کون اس کے ڈیرے کون آہو اس نے سد یو کون کون مشاعرہ کا اختتام ورن صدر انجمن مرکزیہ گوجراں پاکستان چوہدری سلیم الہی

افسانو۔۔۔جمیلہ



وقار احمد صدیقی
گوجری مترجم

تھی کہ کیوں رواجوں کے مطابق
کڑی اپنا ماں باپ کا کہر مانہ کھا
پی کے جوان ہوئے۔ فراس کو
بیاہ ہو جائے، وا اپنے نال انھاں
رماں رواجوں نانہ نال لے
جئے۔ ہور انھاں ورقائم رہ، ہور
اپنا احساس نانہ ذن کرتی رہ۔

ات توڑی کہ اس کو جسم مٹی تھلے ذن وی ہو جائے۔ کہڑی کہڑی
اس کا اندر تیں اواز آوے کہ ہوں احساساں تیں بغیر نہ جینو
چاہوں تے نہ مرنو چاہوں۔ ہوں مڑداں ہاروں ازاد کیوں
نہیں، کے ہر لفظ، ہر احساس، ہور ہر گل لکھ کے بیان کر سکوں؟
جمیلہ نے اپنا آپ تیں ہی اچی اواز مانہ بیوں سوال کیو
کہ جسرے کہ وا کسے نال گل کر رہی ہے۔ اسہی خیال ہر رات
سون تیں پہلاں ہور جاگن تیں بعد ہمیش سوچن وراں نانہ مجبور
کریں تھ۔ وا لکھنو چاہوے تھی، لوکاں نانہ خوش کرن واسطے
نہیں۔ صرف دیں تے چن کے نال چھیڑ چھاڑ کرن واسطے
نہیں۔ تھکیمو یا تنازعو پیدا کرن واسطے نہیں۔ صرف تعریف
حاصل کرن ہور کوئی بحث تے جواز پیش کرن واسطے نہیں۔
صرف اپنا بار مانہ نہیں۔ وا اس ویلے لکھنو چاہوے تھی کہ جداس
کی روح بے چین ہووے ہور دماغ کی ناڑ پھلتی ہوویں۔ جدا



دختر نیل، ڈاکٹر و لاجمال
العسلی (قارہ یونیورسٹی)
افسانہ نگار

سویل کا چھنج رہیا تھا۔
جمیلہ نے کہڑی کی ان سویاں
آلی بکھی ہیر نو شروع کیو، جیہڑی
مستقل پھریں تھیں۔ جیہڑی
بلیں بلیں پلہیٹی دوجی دنیا مانہ
لے جئیں، جمیلہ نے کہڑی ورن
نظر ہٹا کے طاقی آ لے پاسے
ہیر یوتے اس نانہ ہوا سنگ ہلتا

بوٹا دہسیا، اس نے اپنا آپ نانہ کہیو، ات تے بوٹا وی پھل
دیں لگا ہور ویلا نال اوڑوی جئیں، ہوں ہن وی اسی ہوں جسی
تھی۔ میرے اندر کائے نویں گل یا بدل نہیں آ یو، اسو لگے کہ
ہوں ہو بو اپنی اماں ہاروں بنتی جا رہی ہاں، جیہڑی صرف اتنو کر
سکے تھی کہ بڈھی ہو جائے۔ لکھن پڑھن نال عشق کے باوجود جمیلہ
مڑداں ہاروں ازاد ہون کی خواہش پوری کرن تیں تھک گئی تھی۔
وا جو چاہوے تھی، لکھ نہیں سکے تھی، جو کائے محسوس کرے تھی، اس
کو اظہار نہیں کر سکے تھی۔ معاشر و شرم تے حیا کاناں ورن کنٹرول
کرے تھو، اس واسطے والفظاں نانہ اپنا سینہ مانہ دبانو ہور انھاں
نانہ لو مانہ نہ لیہان ورن لچارتھی۔ اس کی سمجھ تیں باہر تھو کہ سماج
کڑی نانہ کسرے سمجھے گو ہور کہد توڑی وا ہر لفظ، ہر احساس
ہور ہر خواہش نانہ ذن کرتی رہ گی۔ وا ہمیش یاہ ہی گل سوچتی رہ

تیناں نیراں چھوڑ دیوں ہور ہوں ان تہویا کپڑاوا شنگ مشین مانھ
 کھل چھوڑوں۔ ہوں چاہوں لگی جہ جد ہوں آں تے ساور کجھ
 تیار ہو یو ویو ویو۔ توں سمجھی؟ اماں یاہ گل کہہ کے رسوئی بچوں چلی
 گئی۔ جمیلہ جلدی جلدی چاہ روٹی تیار کرن لگی، تاں جہ اس کی
 اماں اس نال نراض مانھ ہووئے۔ جد جمیلہ چاہ روٹی بہان مانھ
 لگی وی تھی، تاں اس نے اپنا آپ مانھ کہیو:

اے اللہ، میں جیہڑا کاغذ لکھ کے سرہناں پٹھ رکھیا ہیں کدے
 انھاں ورا ماں کی نظر نہ پے جے۔

واجلدی جلدی اپنی کوٹھی آلے پاسے نستی گئی۔ اس کا دل کی
 تہڑکن ڈرنال کھل گئی، جد اس نے ہیریوجہ اماں میلی چادراں
 مانھ بدلے لگی وی ہے۔ جمیلہ کا پیراں تھلا تیں زمیں کھسکن لگی
 ہور جہنگاں مانھ کمنی لگ گئی، اس کا سارا ہوش حواس اڈ گیا، جد
 اس نے اپنی لکھتاں مانھ اماں مانھ پڑھتاں واں ہیریو۔ اس
 کی اماں نے غصہ نال اچی اواز مانھ کچھویو: یوہ کے ہے؟ ہور یوہ
 کون بندو ہے؟ بول۔۔۔ اس ویلے، جمیلہ نے محسوس کیو کے
 چان چک سویل نہیری رات مانھ بدل گئی ہے۔ اس مانھ لگوجہ
 اس مانھ چکر نہیں آ رہیو ہے بلکن زمین کی گردش تیز ہوئی ہے۔
 وا اپنا ایک خواب مانھ اماں کی نظر مانھ سچ بنتاں ہیر کے شرمسار
 تھی ہور اس کا کمتا وا ہوٹھاں مانھ اتنی سکت نہیں تھی جہ وا جواب
 دے سکے۔۔

متھا وروں ٹہین لگ پیا تھا۔ میری نبض زور نال تہڑکن لگی، وہ
 ہور مچ کول آ یو، میرا پکھتا جذباں نے زور پکڑیو تے میں کبھرا
 کے اپنی اکھ بند کر لیں۔ ہوں جانوں تھی جہ میرا جذبہ ہمیش اس کی
 قربت مانھ میرے ور پہارا پے جائیں۔ اسوجذبہ جیہڑو میں کسی
 دو جا بندہ نال محسوس نہیں کیو۔ ہوں اس کا چمن کو ذائقو کدے
 نہیں پہل سکوں۔۔۔۔۔ وا ات توڑی ہی لکھ سکے تھی جہ اس کی
 اماں کی اواز آئی، جمیلہ، او جمیلہ۔ جمیلہ نے اماں کی اوازن کے
 جلدی جلدی قلم تے کاغذ مانھ سراہندو کے تھلے چھپا چھوڑیو، ور
 جیہڑو کجھ لکھ رہی تھی اس سلسلہ مانھ ختم نہیں کیو۔ جمیلہ نے
 جواب دیتو:

جی اماں، آئی،


اماں کی اواز فر رسوئی بچوں آئی ہور کہن لگی: توں کد
 توڑی ستی رہ گی، اٹھ، کے آتے چاہ روٹی بہان مانھ میری
 مدد کر۔
 جی اماں.. ہوں آئی۔

اس نے بسترہ بچوں نکلتاں واں کہیو، اس گل مانھ یقینی
 بہان تاں واں جہ اس نے جیہڑو لکھویو ہے وہ چنگی طرح نال سراہندو
 کے تھلے چھپا یوی ہے۔ ہور اس مانھ کوئے ہیر نہیں سکسیں۔
 اس نے اپنومنہ تہویو ہور فر سویل کی چاہ روٹی بہان مانھ اماں
 کی مدد کرن واسطے رسوئی مانھ چلی گئی۔ جمیلہ نے جسو رسوئی مانھ
 قدم رکھیو تے اس کی اماں نے اس مانھ کہیو کے اج ہم مانھ کھر
 مانھ مچ سارا کم ہیں، ہوں اج سویل کی چاہ روٹی بہان واسطے

مولوی محمد رشید قدیری۔۔۔ اک گوجری شاعر

تعارف

ناں محمد رشید تے تخلص قدیری قوم گوجر تے گوت بلوچ نال تعلق رکھیں۔ ان کی پیدائش 13 فروری 1968ء ماضع پونچھ کی تحصیل سرنگوٹ کاگراں مرہوٹ (سولہیاں) ماہوئی۔ والد کوناں محمد دین تے والدہ کوناں عالم بی تھو۔ قدیری ہوراں کی عمر چھ سال کی تھی تے ان کا والد نے مرہوٹ تیں ہجرت کی تے ٹبر ٹیرنا لے کے ماضع پونچھ کی تحصیل حویلی کا سرحدی گراں کھڑی کاسٹیک ہو گیا۔ قدیری ہوراں کی ابتدائی تعلیم کو آغاز کھڑی کا گورنمنٹ پرائمری سکول توں ہو یوتے پنجویں جماعت کو امتحان 1980ء ما پاس کیو۔



ابجاز احمد چچی
بابا غلام شاہ بادشاہ پونچھی راجپوری

1981ء ما پونچھ کی مرکزی جامع مسجد و مدرسہ (نور السلام) جس مدرسہ ناس ویلے (انوار العلوم) کا ناں تیں جانیو جائے، اس مدرسہ ما تقریباً دس مہینہ کے نیڑے تیرے تک قدیری ہوراں نے دینی پڑھائی کو سلسلو شروع کیو، اس توں بعد مزید تعلیم واسطے اتر پردیش (U.P.) چلے گیا۔ 1981ء ما اتر پردیش کا مدرسہ (اجمل العلوم) ما داخلو لے لیو۔

1988ء تک اسے مدرسہ مارہ کے تعلیم حاصل کی تے مولویت کی ڈگری حاصل کرن توں بعد واپس اپنے گھر کھڑی آ گیا۔ اسے مدرسہ کی تعلیم کے دوران اردو شاعری کی طرف رجحان ہو یوتے حمد، نعت منقبت وغیرہ لکھنی شروع کی۔ مثال کا طور پر کچھ اک اردو شعر دیکھو۔

نعت

آپ ہی کے نور سے روشن ہوا سارا جہاں
نور الہدی بدر الدجی میرے آقا ﷺ آپ ہیں
تڑپتا ہوں چھڑکتا ہوں تمہاری دید کو آقا
پاس ان آنکھوں کی کیسے بجھاں یا رسول اللہ
منقبت

وعدہ جو کیا تھا وہ نبھایا حسین نے
نیزے پہ قرآن پڑھ کے سنایا حسین نے
جان دیدی پر نہ ہاتھ ملایا یزید سے
نانا کا دین ایسے بچایا حسین نے
1989ء ما گوجری شاعری آلے پاسے منہ موڑ یوتے گوجری
شاعری ما تقریباً ہر صنف ما طبع آزمائی کی، مثال کا طور پر حمد، نعت،
منقبت، مناجات، گیت، غزل، نظم، سی حرنی، قطعہ، تے کئی وفات نامہ
لکھیا ہیں۔ ہر اک کو وفات نامہ لکھنو مشکل ہے لیکن زیادہ تے نہیں کچھ
اک ناں دسنا ضروری سمجھوں گو:

(محمد عارف) ساگلو (جہڑ امینڈر کاگراں نکہ کارہن آلا تھان پروفات
نامو لکھیو۔

(عطا محمد) چوہان (یہ پہلاں مینڈر سلانی تے پھر پونچھ آ جوٹ کارہن
آلا تھان کو وفات نامو لکھیو۔

(محمد اسلم تے محمد الطاف جہڑ افوج کا) کلی (تھا جن کی موت بارڈر پر
ہوئی تھی، ان پروفات نامو تحریر کیو۔

(محمد صادق) بوکن (یہ پہلاں مینڈر تے حال ما کر ماڑہ کاسٹیک تھا
ان کو وفات نامو بھی لکھیو ہے۔ اور بھی متا سارا وفات نامہ ہیں جن کا ناں

تے نمونہ پیش کرن کی گنجائش نہیں ہے۔

ترفتو رہو ہوں میری باری نہیں آئی

منقبت حضرت حسین رضی اللہ عنہ عقیدت کا پھل ص (76)

ہتھ سنگ یزید غے نہ ملاپو حسین نے

زندو نبی غو دین کراپو حسین نے

کنبو وی اپنو سارو لٹاپو حسین نے

سر غیر اگے نہ جھکاپو حسین نے

نظم عقیدت کا پھل ص (99)

ٹھٹھو وی تھو چاپو کس نے

آن غے دکھ بنداپو کس نے

امام حسین بغیر نیزہ ور

چڑھ قرآن سنایو کس نے

رشید قدیری ہور اردو، گوجری، پنجابی تے پہاڑی ان چاراں

زبانوں کے اندر چنگی مہارت رکھیں تے چاراں زبانوں ماشاعری کی

ڈاہڈی شوق رکھیں، وقتی طور پر اس ویلے اپنا گراں کی جامع مسجد (ال

مدینہ) کوسلیاں کے اندر اک امامت تے استاذ کی ذمہ داری نبھان

کے نال نال صویرے اپنا گھر کے کولے کی مصحفی مسجد مکتب چلاویں۔

دین کی خدمت کے نال نال گوجری زبان کی خدمت بھی کریں لگا۔

رشید قدیری ہور بڑا ہی نیک تے خوش مزاج انسان کے نال نال

مہمان نواز بھی ہیں۔ ان کا چہرہ پر ہر ویلے مسکراہٹ نظر آوے کدے

بھی غصہ مانہیں رہتا۔ اگر ان کے نال ملاقات ہوئے تے دینی تعلیم کے

نال نال اپنی گوجری زبان کے اندر لکھی بھی شاعری سنائی، سنن آلامتی

متاثر کرے۔

رشید قدیری ہوراں نے اپنی زندگی کا کچھ سال سعودی عرب کے

اندر بھی گزاریا، فروری 2001 ماڈرائیوری کوویزیولیوتے ہندوستان تیں

سعودی روانہ ہو گیا تے یاراں سال اسے پیشہ کا نال جڑیا رہیا تے

2012 ما پھر اپنے گھر جد آتے دوبارہ واپس نہیں گیا، اپنے گھر ہی رہنو

پسند کیو اور نال ہی نال اپنی قوم تے ساج کی خدمت کرن کو سوچ لیو۔

کیونکہ دینی تعلیم مچ ضروری ہوئے تے اس کی فکر نالے کے کدے دوجی

جگہ جانو نہیں پسند کیو۔

رشید قدیری ہوراں کی اک گوجری کتاب جس کو نان گل دستہ

قدیری یعنی عقیدت کا پھل جیہڑی جموں تیں) روزہ گوجری ادبی تے

صحافتی میلو (جہڑو 2-3-4 مارچ 2023 مقام کے ایل سہگل ہال

اکیڈمی آفس جموں زیر اہتمام جموں و کشمیر اکیڈمی آف آرٹس کلچر اینڈ

لینگویجی جموں تیں چوہدری شاہ نواز ہوراں کے ہتھوں یاہ کتاب منظر عام

پر آئی۔ اس کے نال نال اک اور کتاب جس کو ناں) آس غاموتی

جیہڑی زیر طباعت چلے لگی بھی انشا اللہ جلدی ہی منظر عام پر باندھے آن

کی آڈیک باقی ہے۔

رشید قدیری ہوراں کی کتاب جس کو ناں عقیدت کا پھل ہے،

جس ما حمد، نعت، منقبت نظم شامل ہیں۔ اس کا کچھ کلام کا نمونہ پیش کرنو

ضروری سمجھوں گوتانج قدیری ہوراں کی شاعری کو انداز دلا یو جاسکے۔

گوجری نعت کا کچھ نمونہ عقیدت کا پھل ص (49)

چاہت ہے دل مانھ مدینے ہوں جاں

غم دل ہوں جانے نبی ناں سناں

ارمان دل غا ہوں سارا مٹاں

دوری غا یہ فیصلہ آقا جی مٹا دے

عرصہ توں در ور آس ہے لائی

افسانچو۔۔۔ بے بسی کی زندگی

رخسار نے سوچ لیا۔ اس نے فہدنا سمجھا، لیکن فہد نے صرف ہنس کر وہ ہی برقرار رکھیو۔ اس کو ڈر ختم نہ ہو، تے پوسلسلو جاری رہیو۔

اک دن، رخسار دفتر تیں نکل کہہ واپس آئی تے دیکھیو کہ اس کے کھر کے سامنے فہد کھڑو تھو۔ فہد نے اس نارو کیوتے زبردستی گلے مل کے اس کی عزت چھینن کی کوشش کی۔

وہ درد تیں کمتے تھی، لیکن اس نے اپنے آپ نا جتایو۔ اس نے ہمت سنگ آوازچی کی، "چھوڑ مننا، فہد!"

اس کی آواز کے نال نال، گلی کا لوگ وی جمع ہو گیا، تے فہد نارو کن لگا۔ رخسار سنگ گواہی دین آلا لوگ سمجھ گیو کہ اس نا بے بس نئس رہن دینو۔

رخسار نے اس معاملہ نا پولیس مارپورٹ کیو، تے فہد گرفتار ہو گیو۔ اس نا انصاف ملیو، تے وہ اک نوا سفر کی طرف بدھی۔

اس ذریعے یو ثابت ہو یو کہ ہر اسمنٹ سنگ لڑنو تے اپنا حقوق کی تلاش کرنو ضروری ہے۔ رخسار کی ہمت تے دوستی نے اس مشکل تیں گزرن ما مدد کی۔ ہر گیدری نا چاہئے کہ وہ اپنے حقوق واسطے کھڑی وے، تے ہر اسمنٹ کے خلاف سہولت حاصل کرے۔

اس افسانچے تیں ہم نا یو یاد رہنو چاہیے کہ ہر انسان کی عزت تے سلامتی اس کو حق ہے، چاہے وہ گیدرو وے یا گیدری

تصویر نے چمکتا شہر کی گلیاں ما وہ ہی کہانی دہرائی تھی، جس سنگ ہر گیدری نفرت کرے۔ یا کہانی ایک عام گیدری کی ہے، جس نا ہر خوشی کی تلاش تھی۔ اس کوناں رخسار تھو، اک سادگی سنگ رہن آلی تے زندگی



ماجد مجید

بابا غلام شاہ بادشاہ یونیورسٹی راجوری

سنگ امید رکھن آلی گیری۔

رخسار کی زندگی اک دن اچانک بدل گئی، جس دن اس نے اپنی نوی نوکری شروع کی۔ اس کا نو دفتر ما اک گیدرا، فہد، تھو۔ فہد ایک چنچل تے زندہ دل انسان تھو، لیکن اس کی حقیقی حالت اصل زندگی مانئیں تھی۔ اس نے رخسار نا اپنی اکھ ما دنیا دکھائی، تے ان کا اک دو جانال گزریا و او یلا اک خوبصورت لمحہ بن گیو۔

لیکن کچھ دن بعد، فہد کی اصل عادت تے کردار سامنے آیا۔ روزانہ، اس نے رخسار ورنظر رکھنا شروع کی۔ اس نا فون ور پریشان کرے، دفتر ما گھورے، تے ابلکول کرتگ کرے۔ رخسار ڈر گئی۔ اس نے سوچیا، کیوں نہ اپنی دوست سہرش سنگ گل کی جے۔

سہرش نے سن کر رخسار نا سمجھا، "یو ہر اسمنٹ ہے، رخسار۔ یا برداشت نہیں کرنی چاہیے۔ اس وراپنے حق کی تلاش کرو، تاکہ یا ظلم نہ بدھے۔"

نظم بیاد مرحوم مسعود چودھری صاحب



کلام

چوہدری بلال زمزم

تہاں	یاد	کروں	نت	روؤں	تھی	قوم	نا	جس	کی	سہائی	
ہوں	جاگوں	جد	ہوں	سوؤں	مسعود چودھری	او	مسعود چودھری				
گل	دل	کی	کس	نا	میں	پچھیا	بچ	سپاہی			
	مسعود چودھری	مسعود چودھری			تھارے	وردی	کس	نے	لائی		
دل	گیت	بجر	کا	گاؤے	سارا	بولیا	سن	رے	بھائی		
تیرو	چیتو	پل	پل	آوئے	مسعود چودھری	مسعود چودھری					
دل	مار	گے	کوک	بلاوے	تیاں	یونیورسٹی	یاد	کرے			
	مسعود چودھری	مسعود چودھری			دل	روئے	تے	فریاد	کرے		
چھپ	چھپ	کے	اوہلے	اوہلے	تیری	قبر	نا	رب	آباد	کرے	
جد	بہار	کو	سکو	بولے	مسعود چودھری	او	مسعود چودھری				
کء	راز	چھپایا	کھوئے		جد	تک	یو	جگ	جہاں	رہ	گو
	مسعود چودھری	مسعود چودھری			ہر	بستی	ہر	گراں	رہ	گو	
جد	گجر	دیش	نہ	ہیریں	تیرو	زندہ	باد	ناں	رہ	گو	
اکھ	ٹپ	ٹپ	اتھروں	کیریں	مسعود چودھری	مسعود چودھری					
تیری	یاد	گا	پھانڈا	پھیریں	خدمت	قوم	گی	ثواب	پورا	کر	گے
	مسعود چودھری	او	مسعود چودھری		ٹر	گیو	اپنا	خواب	پورا	کر	گے
اے	ڈی	جی	پی	کی	کتنو	مہان	تھو	مسعود	چودھری		
بڑی	عزت	شہرت	پائی	جائی	حق	گو	اعلان	تھو	مسعود	چودھری	

غزل


جس گے سنگ وی نیکی لائی جس ور وی اعتبار کیو
اس نے ڈاہڈو تہوکھو دتو کنڈ ور آ گے وار کیو

جس گے پچھے نیتی تھی میں نیت اسے گی بدل گئی
نال کلجے لا گے رکھیو حدوں بدھ گے پیار کیو

چار پھیری باڑ کنڈاں کی لوک تماشہ گیر بسیں
سینو چھانی چھانی میرو دل ڈاہڈو بے زار کیو

دکھاں نا ہوں رہیو چھپاتو اندرو اندری سینہ مانھ
بکل مار کے روتو رہیو باندے نہیں اظہار کیو

سن لے خاکی نیلا کہاہ مانھ ہتھ نا ماریے بھل کے وی
نال پھلاں غے کنڈا ویں غا لوکاں نے بیدار کیو



خادم حسین خاکی
چنڈک پونچھ

نثری نظم

ہم اُلجھن کا شکار لوک



محمد وسیم چوہدری

میرا صبر غاکن پھٹ گیا ہیں
 تسلی میرا کناں در پہاری محسوس ہووے
 ہوں انہاں معصوم قہقہاں غی طرح نی چیخ سکتو
 جتاں ناں بے دردی نال ذبح کیو جائے
 بارش ماہہ دتا دلا سہ
 بوساں غی طرح خوبصورت ہویں
 مگر زہریلا ہویں
 ہم عجیب اُلجھن غا شکار لوک آں
 ہم نازندگی غا مقدس نوحہ لکھن واسطہ
 دکھ غا خنجر اکھاں ماہہ چہونڑاں پویں
 ہم نا پہلنا پیویں
 کج لوک تے کج چاہت
 لیکن یا اتنی بڑی دکھ غی گل نی
 دکھ ہمیشہ اپنا ہی ہوویں
 تے دلا سہ پرایا۔

21 فروری یوم مادری زبان

ماں بولی گوجری



حفتواز احمد

ماکھیں کھنڈتے کھیر توں مٹھی سونہی میری ماں بولی ہے
 گج کے بول تو کیوں شرماوے آخر تیری ماں بولی ہے
 سب زباں تو سکھ لے پہاویں تناں روکے ٹوکے کون
 چنگی ہیں یہ ساریں بولیں مچ چنگیری ماں بولی ہے
 انگلش عربی چینی پشتو نال فرینچ تے جاپانی وی
 پہاویں سکھ لے ساریں جہڑیں ہور نھیری ماں بولی ہے
 کشمیری تے پہاڑی ہندکو ماں بولی گی بہن ہیں ساریں
 اردو اس گی کل گی تھی ہے پڑھ گے ہیری ماں بولی ہے
 اک اک اکھر پھل توں سوہنو بد نصیباں نا کد لھے
 ہوں تے صدقے واری جاں جندڑی پھیری ماں بولی ہے
 جد وی بولوں ماں بولی نا اس رح لگے ماکھیں کھادو
 چر تک میرو منہ رہ مٹھو کھنڈ گی ٹھیری ماں بولی ہے
 بول نواز ہاں ماں بولی تو کو نینہ تیری جیبھ نا چھکتو
 کجھ احساس تے غیرت کر لے کر دلیری ماں بولی ہے

گوجری غزل گو شعراء تے شاعرات نانہا ایکن کنڈھی ماپون کی کوشک کی ہے
رکت توڑی کامیاب ہو یوہاں تھار اتبصرہ کو اڈیکوان۔



چوہدری تاج دین تاج

اڈار غزل کا

طاہر، منشا، عارف، حکیم، مجروح، زاہد، یار غزل کا
سحر تے اصغر، صابر، سیف، سکھر ہار سنگھار غزل کا

صابر مرزا، نظام، نذیر، طرب، شناس، قرار غزل کا
رانو سرور تے ظفر ابرار عاشق بے شمار غزل کا

جاوید راہی، فہیم، نسیم، ہو بیٹھا شکار غزل کا
سوز تے شبنم، یوسف، رفیق، عاشق پار ارار غزل کا

شمی تے خاتان، خیالی، چاویں تکرڑا پہار غزل کا
ادبی تارا مہارا چمکیں چار چمکھ لشکار غزل کا

ایکن لڑ ما سارا موتی پو رکھاں ہم ہار غزل کا
صفورہ زاہد، نغمی، ناز، اڈیں تاج اڈار غزل کا

مخلص، انجم، عظیم، نسیم، اثر، شاہ سوار غزل کا
رانو فضل، صابر آفاقی، فانی، حبیب، قمر، فیاض

گلشن، طارق، انظر، کشان، مینی، عنبر، تے شاہباز
شاہد، رشید، ٹھاکر، حنیف، صفدر، نازک، زخمی، حسرت

شوق، پردیسی، قمر، جزاء، محمود، ایاز، شاد، تبسم
شفاعت، شاہین، حقنواز، خاکی، نکہت، حسن، فدائی

ممتاز، رزینہ تے پرواز، شاکر، رؤف، رضا، منظور
شاہ بانو تے فتح علی، زریندر، حنیف، خلیل، بجاڑ

انوار، ظہور، ندیم، ربانی، انور، صفی، کوثر، منیر
زمزم، کیف، شازیہ، خالد، مسرور، حیات، قمر، آزاد

غزل



لعل دین شاکر

قصو سبناں چھیڑ غزل کو
تندو ذری ادھر یڑ غزل کو

دل کی اگ بجان واسطے
پھیرے کوئے مہیڑ غزل کو

غتم ہونیں سارا جھگڑا
مکتو نہیں یوہ لیڑ غزل کو

پی پی کاہڑا روگ نہیں جاتو
ملعم کوئے چھیڑ غزل کو

جے توں چاہوے شاعر بنو
لکھتو رہیے ڈھیر غزل کو

رُٹھا یار منان کی خاطر
شاکر چھیے پیر غزل کو

بیت

الف

اللہ جانے دل غوحال میرو سڑ بل غے ہو یو انگار اندروں
خالی دسے وجود کرنگ میرو ہو یا جگر غاصف لنگار اندروں
لگا تیر وچھوڑا غا وچ سینے گولی کر گء ہے دوسار اندروں
پلتا نہیں زمان جوانیاں نہ سہونء شکل نالے دلدار اندروں

ب

بہت مجبور لاچار ہو یا آتو دل ناں صبر اقرار کوے نی
صبح شام رے نت خیال ہمنان تھارے بانج میرو دردی یارکوے نی
ہویں خواب ماں روز ملاقات تھاریں دیکھاں جاگ لتو دلدار کوے نی
آہی دوکھاں غی رت زمان پیڑی دتی سجاں بانج بہار کوے نی

ت

تاہنگ اوڈیک ماں ہم بیٹھا دسو دیں غا کد دیدار سجاں
کدے خواب ماں آنے مل جاہو دل بانج تھارے قرار سجاں
ہو یو عمر غو رون نصیب ہمنان تھارے بانج یوہ ملک اوجاڑ سجاں
آویں کد زمان موڑ دیں اپنے بہناں پہیاں ناں ہے انتظار سجاں

ث

ثابت یقین ہیدل اندر محشر روز مہاری ملاقات دیگی
کائنات ساری روبرکار اس دن ات سامنے رب غی ذات دیگی
انشا اللہ شہیداں غے تھہ اس دن سارا کمنہ غی ات شفقت دیگی
گرمی حشر غی نہیں زمان لگسیں تھارے واسطے یاہ سوغات دیگی

ج

جا غے دیے سلام وائے کہیئے مچ ہمنان انتظار تھاریں
ڈیرہ وچ مدینہ غے لا بیٹھا جنت بقیع غے وچ میزار تھاریں
دیکھاں راہ تھارا آویں کد مڑ غے آویں یاد ہمنان باربار تھاریں
آویں کد زمان کھر لے چھٹی ہمنان اوڈیک ہیں بیٹھار تھاریں



زمان گورسی

غزل

میرو حال چُکھو میرو درد لوڑو
امیداں کی تانی کا تندو نہ توڑو

اڈیکاں کی راہ تیں اندھیرا ہٹا کے
نصیاں کا رُٹھاوا چان ناں موڑو

میری بے بسی کو نہ دیکھو تماشو
خیالاں کی چادر کو پلو چھنچوڑو

وہ لساں کو حامی میرا عیب کجے
اُس کا خزانہ ما گجھ بھی نہیں تھوڑو

متھا کی لکھیاں ناں کنگا چھپاؤں
میری سیف قسمت ما لکھیو وچھوڑو



ایاز احمد سیف